



Tóuti li mes, lou journau de la Prouvènço d'aro		
Desèmbre 2008	n° 239	2,10 €

Fin de la Caminado

Es acabado despièi lou 7 de
nouvèmbe quand li 7 chami-
naire, parti de Vinai en
Piemount italian, soun enfin arri-
ba à Vielha en Vau d'Aran...

Pajo 12

L'aveni de la lengo en debat

Tóuti li militant afouga pèr la
lengo, èron à z-Ais lou dissate
8 de nouvèmbe pèr ausi li
baile di gràndis assouciacioun
e la bono paraulo de nòsti
deputa fisançous dins lou prou-
jèt de lèi que vai veni.

Pajo 2

Enfin en Vau d'Aran



Placage dins li chifro mineralougico

Li novèlli placo d'ematriculacioun di veituro van arriba lou mes que vèn.

D'aro en lai, la placo sara baiado à l'autoumoubilo enjusco sa destrucioun e se tendra plus comte dóu chanjamen d'adrèisso dóu proupietàri vo dóu cambiamen de man de la veituro.

Lis enfourmacioun toucant la carto griso saran tengudo à despart dins de fichié que coumençaran de se coustitui à parti dóu mes de janvié, à flour e à mesuro di novèllis enmatricula-cioun.

Es aqui que lou bast macavo, li numerò d'ematriculacioun se boudenflavon despièi la meso en plaço dóu sistèmo en1950. Se comte aro 150 milioun de doursié de vehicule enmatricula, mai se saup que n'a qu'aperaqui 40 milioun en circulacioun. Lou mounde prenon pas la peno de faire saupre que sa veituro a parti à la casso.

Sabèn pas se lou novèu sistèmo d'ematriculacioun chanjara quicon... de tout biaï i'aura pas tant de fourmalita... La simplifacacioun tamben se capitavo dins uno numeroutacioun naciounalo, plus ligado au despartamen.

Lou despartamen, aquelo envencion artificiaalo d'un païs jacoubin, nous aurié agrada de lou vèire desaparèisse, e aqui nous lou levavon dóu quiéu... de la veituro.

Eh bèn noun ! Avèn de deputa qu'an pas rên à faire d'autre que de s'ócupa di dos chifro despartamentalo. An la rognò de

perdre soun matricule liga à-n-aquelo divisioun amenistrativo
dôu terraire francés.

Adounc lou foutre i'a pres, soun mounta sus soun càrri pèr
cria « Jamai sènso moun despartamen », e t'an crea tant lèu
un couleitiéu dôu meme noum. D'àutris afouga de soun des-
partamen en segui « Toco pas à moun despartamen ». Aquéli
bèus encagna, cantavon i'a gaire la souldarita inter-desparta-
mental, la freireneta dins l'intercoumunautau... aro es chascun
pèr soun despartamen. Urousamen qu'entre Bèu-Caire e
Tarascoun, vo Vilonovo e Avignoun, i'a un pont.

Basto, l'estacamen à sa prefeturo es quicon de bèu... subre-
tout, que i'a, de-coutriò, lou Counsèu Generau, em' un fube de
Counseié bèn pasta de l'ideoulougìo centralisarello que s'arra-
pon à sa cadiero.

Li despartamen soun esta fa pèr chapla en moucèu li prouvìn-
ço. Fuguè uno reüssido. Malurousamen emé la creacioun de
l'Éuropo aquéli tros de terraire pichoutet poudien plus èstre
representatiéu, adounc s'es refa de prouvìnço que i'an di li
regioun. De regioun que regroupavon mant un despartamen
apela à desaparèisse. Tant soulamen es plus facile de crea que
de supremi. Lis elegit volon pas perdre soun porto-fueio.

Nous an fa lou meme cop pèr li coumuno, i'a trop de coumuno
en França, adounc anan crea de coumunauta de coumuno, de
coumunauta de vilo, de coumunauta urbano, e zôu mai de
metre de mounde à la tèsto d'aquéli groupamen. Mai aro, plus

degun a lou courage de supremi li coumuno restacado.
 Ansin sian riche en « palié de demoucraciò » coume se dis.
 Pagan d'impost loucau, pèr la coumuno, pèr l'intercoumunali-
 ta, pèr lou despartamen, pèr la regioun e d'impost naciounau
 pèr l'Estat. Pèr beileja l'amenistracioun de tóuti aquéli palié de
 demoucraciò vai t'en saupre quant fau d'elegit e de foun-
 ciounàri.

Mai es de figo d'un autre panié. Vuei es la chifro mineralougi-
 co que fai s'estrangla nòsti deputa. Volon se faire tatoua soun
 numerò de despartamen sus lou pitre...

Perqué pas, manjo pas de pan !

An pas demanda i regiounalistò que soun contro li desparta-
 men s'acò d'agradavo, mai que fai !

Dins tout, la menistro de l'Interiour, Michèle Alliot-Marie, a
 trouba l'escapatori, autouriso lou mounde à bouta lou numerò
 que vòu sus lou coustat blu de sa placo. Li dos letro, un tìret,
 tres chifro, un tìret, dos letro reglamentàri, éli, rèston soulet
 óbligatòri coume previst.

L'amusamen pourtara sus lou logò de la regioun emé sa chifro
 departamentalò dessouto. Lis artisto chausiran li bèu logò
 sènso se soucita de l'identita regiounalo que represènto.

Li passiouna de noumbre, agantaran lou bon numerò.
 Li supersticiosos acouiouini prendran jamai lou 13.

De-segur acò fai chifra !

B. G.

B. G.